



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Acta Synodalia Osnaburgensis Ecclesiae, Ab Anno Christi
MDCXXVIII.**

Brogberen, Johannes

Coloniae Agrippinae, 1657

Benevolo Lectori Salvtem.

urn:nbn:de:hbz:466:1-14298

B E N E V O L O
L E C T O R I
S A L V T E M .



Vm Reverendissimus, Cel-
sissimus, & Illustrissimus
Princeps ac Dominus, Do-
minus FRANCISCVS
GVILIELMVS, Dei
& Apostolicæ Sedis gratiâ, Episcopus Ratis-
bonensis, Osnabrugensis, Mindensis ac Ver-
densis, Sacri Romani Imperii Princeps, Co-
mes de Wartemberg & Schwarzburg, Do-
minus in Wald & Hachenburg, Domi-
nus noster clementissimus, Anno Christi
M D C XXVIII, die XXVIII Martii, pro
suo Episcopali munere, & Ecclesiæ Osna-
brugensis necessitate, pio zelo, solemnem
ac generalem celebrasset Synodum; quæ

P R Æ F A T I O.

etiam debite ac feliciter pro reformatione Ecclesiasticæ disciplinae, & Ecclesiæ bono, peracta est; eam, pro utilitate posterorum, ad commoditatem Cleri, typis mandandam, Vicario suo in Spiritualibus generali, Domino Alberto Luccenio, Protonotario Apostolico, Domino item Jodoco Uphaus I. V. Doctori, Comiti Palatino, & Collegiatæ Ecclesiæ insignis, sancti Joannis in Civitate Osnabrugensi, Canonico, uti in præfatâ Synodo specialiter deputato Actuario, commisit. Præstiterunt id præfati Domini summâ diligentia. Cum autem jam in Visitatione generali, in dictâ Diœcesi, per Illustrissimam Suam Celsitudinem, annis M D C L I & M D C L I I, personaliter factâ, apparuisset, his belli motibus prædictum librum adeo periisse ac distractum esse, ut multis in locis nullum exemplar amplius reperiretur:

hinc

P R Æ F A T I O.

*hinc Illustrissima Sua Celsitudo nobis infra-
scriptis seriò mandavit, non solum prædictam
Synodum, de novo, verum etiam alias, à se ab-
eo tempore habitas, typis dari ac divulgari.
Nos igitur, pro debitâ nostrâ obedientiâ, ma-
num operi, tam necessario, per multos menses
admovimus; Acta Synodalia, ad diversa pro-
tocolla scriptave, examinando, & in hanc,
quam vides, formam, non sine labore, redi-
gendo. Quatuor verò potissimum de causis
Constitutiones, tam à Reverendissimis &
Illustrissimis Archiepiscopis Coloniensibus,
veluti Metropolitanis, in Conciliis Pro-
vincialibus, quàm à suis Prædecessoribus,
in Synodis Diœcesanis, legitimè editas, ad-
jungi mandavit: Primùm quidem, ut om-
nibus per Diœcesin Osnabrugensem Sacro-
rum Administris & Procuratoribus, uno
in Enchiridio ac systemate, indivisa ea pro-*

P R Æ F A T I O.

*ponerentur , quæ Illustrissimorum Archi-
 episcoporum , Electorum , Principum atque
 Episcoporum maturo consilio , legitimaque
 autoritate , de Cleri reformatione , de in-
 stauratione disciplinæ Ecclesiasticæ , de Sa-
 cramentorum administratione , cæterisque
 muniis , sunt constituta : Deinde verò , ut
 Lector ad manum semper in promptu ha-
 beret exemplar Synodorum Provincialium ,
 quò nonnunquam , ad vitandam vel pro-
 lixitatem vel ejusdem materiæ ac similis
 argumenti repetitionem , remittitur , possit
 recurrere , conferreque inter se Canonum
 Decreta , & rationum momenta expende-
 re , compositis hujus Synodi cum præceden-
 tium Constitutionibus : Idcirco præterea , ut
 liqueret omnibus Clericis , in quorum maxi-
 mè gratiam ac commodum edita hæc pro-
 mulgataque sunt , quàm conspirante con-
 sensione,*

P R Æ F A T I O.

*sensione, zelo ac spiritu, iisdem penè ver-
bis, Pastores ac Episcopi nostri, inferiorum
suorum, æquè ac ovium, amantissimi, vi-
tæ honestæ & muneris Clericalis regulas,
ex Apostolorum Canonibus, sanctionibus
Pontificum, legum sacrarum definitionibus,
exceptas, Majorum suorum exemplo, &
sacrosanctorum Conciliorum, Tridentini
præsertim, jussione, præscripserint: Eam de-
mum ob rem, ut leges hæ atque Constitu-
tiones, tanto delectu congestæ, tantâ cum
obtestatione etiam atque etiam commenda-
tæ ac repetitæ, tantis impendiis in lucem
emissæ, altiùs inscriberentur animis, obser-
varentur studiosiùs, usu ipso atque opere san-
ctiùs, conformatiùs, atque frequentiùs exer-
cerentur. Simul nonnulla, quæ extra hanc
Dioecesis, imo & Metropolin, acta sunt,
pro memoriâ, futurâ utique posteris gratâ,
suisque*

P R Æ F A T I O.

suisque Successoribus non injucundâ, inserenda censuit. Quibus omnibus tu, amice Lector, pro tuâ pietate fruere, & Deum pro salute Illustrissimæ Suae Celsitudinis exorare non intermitte. Vale.

Ita tibi precamur,

Reverendissimæ & Illustrissimæ Suae
Celsitudinis Sacellani,

Ioannes Brogbercn,
I. V. Licentia-
tus, Collegiatæ
Ecclesiæ sancti
Ioannis Ratis-
bonæ Canoni-
cus, Illustrissi-
mæ Suae Celsi-
tudinis Capel-
lanus major, &
Magister Cæri-
moniarum, nec
non in rebus
negotiisque Ec-
clesiasticis A-
ctuarus consti-
tutus.

*Hermannus Hoer-
de,* SS. Theolo-
giæ Candida-
tus, Illustrissi-
mæ Suae Celsi-
tudinis Capella-
nus ac Biblio-
thecarius.

Ioannes Schreiber,
SS. Theologiæ
Candidat. Colle-
giatæ Ecclesiæ
sancti Alexan-
dri in Wilshau-
sen Canonicus,
& Illustrissimæ
Suae Celsitudi-
nis Capellanus
ac Eleemosyna-
rius.

Iacobus Buckevort,
I. V. Candida-
tus, Collegiatæ
Ecclesiæ S. Fel-
licitatis in Vre-
den Canonicus
ac Scholasticus,
nec non Illu-
striff. Suae Cel-
situdinis Capel-
lanus, Caudata-
rius, & Nobilium Ephebo-
rum instructor.

Mense Iunio M D C LIII.

C A T A-